

Il nestri cîl

Il sumiâsi no 'le parie
come un di 'na vore biél,
se passât in compagnie
fantasiôs come un cjscjel.

Cjaminà su lis montagnis,
cjaminà cjalant atôr,
viodi robis mai compagnîs
che sveucin ben l'umôr.

Di lassù su chês montagnis
ben cjalà il nestri cîl,
butà il voli tes campagnîs
lavoradis dût par fîl.

Viodi dongje lis valadis

Poesie e Racconti Friulani

un spetacul di colôr
e dal riul svolà vie
l'aghe frescje dulintôr.

Un incjant 'na maravee
chest biel mont cidin ch'al tâs
dut si gjolt e dut si svee
in tun vivi dute pâs.

Ancje 'l sun d'une cjampane
rive sù puartà valôr,
lizerût a si slontane
fasint cresi plui l'amôr.